



UNIVERSITÄTS-
BIBLIOTHEK
PADERBORN


**Antonii Milliei, Lvgdvnensis, E Societate Iesv, Moyses
Viator**

Millieu, Antoine

Lugduni, 1636

Libri Secvndi Argumentum, & Synopsis.

[urn:nbn:de:hbz:466:1-69066](https://nbn-resolving.org/urn:nbn:de:hbz:466:1-69066)



LIBRI SECVNDI

Argumentum, & Synopsis.

COACTO Furiarum concilio Iannem, & Mambrem Magorum Principes Satanas inauguratus donatos magicis virgis eos in Regiam deportat per Paredros Dæmonas, vt eorum præstigiis vera Mosis miracula eludat. Auget sæuitiam Pharao denuntiato per Mosem Dei mandato: mutatur Virga in serpentem; eo prodigio Magorum præstigiis eluso: infligitur Ægyptiis prima plaga mutatis omnibus aquis in sanguinem: vnde mortifera hominibus, & pecori vbiq; fitis. Succedit sâgini secûda plaga euocatis è fluuio ranis in omnes domos. Hæc tria miracula celerrimo Dæmonû ministerio simulant Magi; sed plagis mederi non possunt, aut restituendo fontibus puros latices, aut ranas depellendo: medetur vtrique Moses diuina potestate; quam admiratus cognoscit Pharao ex Amyntore vetere aulico fortunam Mosis variam à primo ortu ad fugam vsque ex aula ob casum Ægyptium. Perspicua est allegoria in Satanæ molitionibus per Magos aduersus Ecclesiam, & Pharaonis sæuitia in Israëlitis vexandis, & auertendis à Dei cultu: nascens Ecclesia Magorum machinas in Simone, Elyma, & aliis sensit, & in exitu mundi iterum experietur signis & prodigiis mendacibus per Dæmones Antichristi ministros, 2. ad Thessal. 2. 9. Matth. 24. 24.

1 Coetus Cacodæmonum, & coniuratio in regnum Christi, & libertatem Sanctorum.

2 Satanæ superbia, & solatium inuidiæ ex ruinis hominum.

3 Nocendi insatiabilis libido. Sed eâ superior potestas, quæ permittit, moderatur, & certis finibus circûscribit, vt ad experimentum suorum, vt *faciat cû tentatione prouentum.*

4 Iannes & Mambres Magorum Principes, qui 2. ad Timoth. 3. 8. Moyfi restiterunt, aduehuntur in Concilium Furiarum. Semper hæc pestis in Principū aulis curiosa festatibus perniciofa fuit, & speciosis tamē titullis pretiofa.

5 Eorum improbitas non obscura ex ipsa facie: mala mens nequior ipfo magistro Dæmone.

6 Inauguratio postico capri osculo, & stigmate: potestas ab assistente Dæmone, oppignerata signo aliquo, aut verbo ex pacto magico. Isti donantur virgis magicis, quibus inequitantes feruntur in regiam.

7 Moyfes ad Pharaonem admissus mandatum Dei de triduaana profectioe populi denuntiat, Exod. 5. 1.

8 Pharaon ignorans Dominum, interpellat Moysem.

9 Moyfes Regem docet quis, & quantus fit Deus Hebræorum à spectabili opificij diuini magnitudine, & viua eius imagine humanæ menti impressa.

10 Extruditur è regia Moses: pensa populo augentur negatis paleis, ne de religione cogitet. Exod. 5. 4.

11 Cæsi atrociter Hebræi operū præfecti, desperabūdi exostulant. Fingūtur 300. loris secti corā Pharaone queri de sæuitia Exactorū: exturbantur irrisi à Rege. Exod. 5. 16.

12 Queruntur de Moyse & Aarone, tanquam incendiis iræ regie in Hebræos. Exod. 5. 20.

13 Redit ad Regem Moyfes cum principibus populi: Dei mandatum iterat, Exod. 5. & 6.

14 Rex paulò moderatior signa legationis postulat: Aaron Mosis iussu virgam excutit, Exod. 7. 9.

15 Virga momento mutatur in verum serpentem: stupet, trepidatque Pharaon, & Proceres.

16 Magi plurima thrafonicè promittunt miracula: placet similitudo prodigij: cantatas virgas videntur in serpentes mutare: re vera pro excussis eorum radiis Paredri Dæmones celerrimè serpentes substituunt.

17 Mosaicus serpens regnat in mediis magicis, eosque iussus deuorat, & fit draco; sed cauda apprehensus à Mose in virgam redit.

18 Allegoria serpentis Mosaici de Christi regno, quod
coniurata

coniurata alia regna omnia euertet, ex Pfalm. 2.

19 Duritia Pharaonis frangenda primo verberis ictu; denuntiatur ei manè ad oram fluminis prima plaga sanguinis, & statim infligitur, Exod. 7.

20 Magi sanguinem similiter spondent: sed nisi aquam ad experiendum præbuit illis Moses, (quod non est probabile.) Dæmones, vt hîc fingitur, simulantes regios ephobos illam peluibus inferunt aliunde, vt fucum faciant Ægyptiis Magi volentibus illudi: pro aqua igitur sanguinem supponunt Dæmones eadem celeritate, dum præstigiatores vanis cæremoniis tenet oculos spectatorum.

21 Magis insultat Moyses, quos oportuit aquam potius in siti præbere Ægyptiis, quàm augere sanguinem.

22 Mors piscium vbique funestat aquas, & corrumpit.

23 Sitis miseranda tota Ægypto solis Ægyptiis; necessitas solertiam acuit ad exprimendas puras aquas in remedium sitis perexiguum. Hebræis interim, & eorum pecori liquidissimi manant abundè fontes.

24 Fingitur Nili cruenta species in somnis obiecta Memnoni Antistiti Nymphæi, in quo fuit ille olim puteus & columna notatis fluuij surgentis incrementis per cubitorum interualla; vnde tota Ægypto cognoscebatur annonæ, vel vbertas, vel sterilitas, plus, minusve, aut nimium crescente Nilo. Indicat causam suæ cladis Nilus mersos olim Hebræorum mares.

25 Aquas Ægypto restituit Moyses die septimo.

26 Ranarum plaga denuntiatur & infligitur: quam imitantur etiam Magi illatis à Dæmone ranis, sed stupidis, & ignavis: cum Mosaicæ bellicosæ essent, & infestissimæ Ægyptiis.

27 Importunissimæ & molestissimæ vbique ranæ, harpyiis similes Pharaoni in tricliniis, & thalamis sine remedio.

28 Pharao spondet dimissionem populi, si depellantur ranæ.

29 Fugatur Moyses arbitrio cõdicta Regi die: redeunt in paludes, aut moriuntur statim, & sepeliuntur ab Ægyptiis.

30 Pharao

44 *Libri II. Argumentum,*

30 Pharao admiratus potestatem Moſis ignoti antè in Ægypto hominis, quærit ex aulicis de viri tanti genere, & fortuna. Fingitur Amyntor grandis natu ea de Moſe narrans, quæ ex matre Sai puer audierat de ortu, & expositione Moſis: Saiſ autem vna ponitur de puellis honorariis Regina Merris, ſeu Thermutis, quæ Moſem infantem ex aquis ſuſtulerat.

31 Spes, & vaticinia de puero Hebræo naſciture, qui ſuos liberaret: fruſtrà Dei conſiliis ſuos conatus opponit mortales: id notum ſatis Ægyptiis ex fortuna Iosephi venditi. Conſilia regis Amenophis impia de opprimendis Hebræis.

32 Moſes natus ſeruatur à parentibus ſpe concepta ex elegantia vultus infantuli.

33 Trimeſtris exponitur à matre Iochabeta, non ſine lacrymis, & bonæ ſpei omine.

34 Maria pueri ſoror, puella ſeptennis, obſeruans rei euentum nutricem fratri aduocat optimam matrem ipſam infantis, quem Regina Merris è naufragio ſeruarat.

35 Commendatur Iochabetæ matri nutriendus.

36 Depulſus à lacte redditur Regina, regicè in aula inſtituendus omni ſapientia Ægyptiorum.

37 Tentatur puerile ingenium, vt fabulati quidã cum Rabbiniſ, oblatiſ carbonibꝯ candentibꝯ cùm Chenepris diadema ſibi impoſitum proculcaſſet: inde aduſtiſ labriſ Moſi poſteà balbutieſ Rabbiniſ fictã cauſã.

38 Prudentia in eo eminebat, & fortis bello virtus: bellum Æthiopicum eo duce geſtum, vt ſcripſit Iosephus: ſed paulatim deficiebat ab aula ad Hebræoſ ſuoſ diuino impuſſu, quo iam erat deſignatus eorũ ductor. Ad Hebr. 11. Actor. 7. 24.

39 Ægyptiũ præfectũ occidit, & abdit in foſſũ ſabulo.

40 Ea cædeſ vulgata auxit inuidiam Regiſ & Vatum, cùm iam ab aula ad Hebræoſ defeciſſet. Certa Oraculoꝝ fide ex euentis, hortatur Amyntor Pharaonem, vt Hebræoſ cum Moſe ad ſacrificandum dimittat, ne grauius aliquid patiantur Ægyptij.

LIBER